

ԹԻՖԼԻՍԻ ՀԱՅՈՒԹՅՈՒՆԸ «ԿԱՎԿԱԶԻ» ՆԵՐԿԱՅԱՑՄԱՄԲ

Ս. Մ. ՍԱՀԱԿՅԱՆ

XIX դարի երկրորդ կեսին Անդրկովկասում երևան են գալիս նաև ոռոսալեզու պարբերականներ, որոնցից առաջինը՝ ցարական կառավարության պատնաթերթ «Կավկազը», սկսում է լույս տեսնել 1846 թվականից՝ Թիֆլիսում։ Քաղաքում, ինչպես հայտնի է, կար հոծ հայ բնակչություն, որի հետ կապված շատ խնդիրներ արտացոլվում էին այդ պարբերականի էջերում։

Կապիտալիզմի զարգացումը ոչ միայն փոխում է Հայաստանի բնակչության սոցիալական կազմը, այլև նպաստում բնակչության ակտիվ տեղաշարժերին՝ դեպի Անդրկովկասի երկու խոշոր կենտրոններ՝ Թիֆլիս ու Բաքու, ուր հայերը կարևոր գեր էին խաղում նրանց տնտեսական ու հասարակական կյանքում։ «Կավկազի» հաղորդմամբ 1866 թ. Թիֆլիսի նահանգում ապրում էր 106000 հայ։ Դրանցից 31000-ը ապրում էր Թիֆլիսում, այն պարագայում, երբ նույն 1866 թ. Թիֆլիսի 14 ազգության բնակիչների ընդհանուր թիվը 71000 էր¹։ Հաջորդ տասնամյակներին հայերի թիվը կրկին ավելանում և դարավերջին կազմում է Թիֆլիսի բնակչության 42%-ը (շուրջ 40000 մարդ)²։ Անշուշտ, թվային նմանօրինակ գերակշռությունը իր կնիքը պետք է դնեք քաղաքային կյանքի բոլոր ոլորտների վրա։ Չկար մի այնպիսի բնագավառ, որտեղ հայերը գործուն մասնակցություն չունենային։ Այդ պատճառով էլ Թիֆլիսում հրատարակվող թերթը պատշաճ տեղ պիտի հատկացներ Թիֆլիսահայության կյանքին ու գործունեությանը։

Պարբերականի էջերում տպագրված նյութերը պատկերում են Թիֆլիսի առօրյան, այստեղ ապրող տարբեր ազգությունների կենցաղն ու սովորույթները, Թիֆլիսի քաղաքային և հասարակական կյանքը։ «Կավկազի» հիմնական խնդիրներից մեկն էր «ճշտագույնս ներկայացնել» երկրամասը։ Պատմական ակնասրկի ձևով թերթը տալիս է քաղաքի մոտ անցյալի պատկերը և այն փոխակերպումները, որոնք տեղի էին ունեցել վերջին տասնամյակներում։ Աղա Մահմեդ խանի արշավանքից մի քանի տարի անց, երբ Վրաստանը նոր էր միացել Ռուսաստանին, նրա մայրաքաղաք Թիֆլիսը տակավին կրում էր արշավանքի կնիքը։ Սակայն ընդամենը երկու տասնամյակ անց պատկերը միանգամայն փոխվում է։ Կովկասի կառավարչապետներ Ա. Երմոլովը, Ե. Գուլովինը և հատկապես գեներալ Մ. Վորոնցովը հսկայական գործ են կատարում քաղաքը եվրոպական ճարտարապետական ոճով վերակառուցելու, ներքին բարեկարգումներ կատարելու ուղղությամբ։ Բնակչության զվարճության և ժաման-

¹ Кавказ, 1866, №1, 73.

² 1879 թվականին Թիֆլիսում ապրում էր շուրջ 41 ազգություն և ըստ թվաքանակի, բնակչության կազմը հետևյալն է.

1. հայեր՝ 37308 մարդ—41,6%

2. վրացիներ՝ 20390 մարդ—22,7%

3. ռուսներ՝ 19574 մարդ—21,8%» (Кавказ, 1879, № 102, 1893, № 138).

ցի նախկին սահմանափակ միջոցներով՝ մուշտակովի, ջիլդիդի փոխարեն ստեղծվում են հանգստի ու ժամանցի ժամանակակից օջախներ։ Մ. Վորոնցովը Թիֆլիսում հիմնում է տեղական մշտական թատրոն, որտեղ հյուրախաղերի հն հորավորվում տարբեր թատերախմբեր։ Միաժամանակ երկրամասում աշխուժանում է ազգային կյանքը, նոր թափ է առնում կրթական գործը, ստեղծվում են ազգային պարբերականներ։ Հետագայում, մասնավորապես XIX դ. 80—90-ական թվականներին, Թիֆլիսում նախապատրաստվում է հեռախոսային կապի և բաղադր լուսավորելու գործը։ Վերջինիս հեղինակներն էին Դյուման ու Զավախովը, իսկ ծրագրի իրականացման օժանդակում էր ինժեներ Մելիք-Աղամովը³։

Քաղաքային կյանքի հետագա բարելավման համար ստեղծվում է Թիֆլիսի տեխնիկական բյուրոն՝ ինժեներներ էնֆիաջանցի և Գրիգորյանի գլխավորությամբ։ Բյուրոն պետք է զբաղվեր քաղաքում կառուցվող հին և նոր շինությունների հատակագծերը կազմելու և նորոգելու, ջրմուղի, կամուրջների, ջրմաքման ծորանների անցկացման գործերով⁴։ Հաշվարկների ու շահումների համար նրանք օգտագործում էին մեխանիկ Պետրոսյանի հեռաչափը⁵։

Թիֆլիսի հայ բնակիչները սիրում էին իրենց քաղաքը և անհրաժեշտ ու համարձակ քայլերի էին դիմում նրա բարեկեցության համար։ Այսպես, հայ ունեւոր նուռնուֆարովը Հավլաբարում սկսում է կոյուղի անցկացնելու աշխատանքները⁶, Բ. Ալիխանովը դիմում է Թիֆլիսի քաղաքային վարչությանը, առաջարկելով կազմակերպել քաղաքի աղբի հավաքումն ու տեղափոխումը։ Նրան ձեռնարկում նա արդեն իրականացրել էր Բաքվում, որտեղ տեղադրել էր «12 հեմմետիկ փակ տակառներ՝ աղբը հավաքելու համար»⁷։ Կորգանովը ներկայացնում է ջրմուղի կառուցման իր նախագիծը, որը կբավարարեր բնակչության պահանջները և մեծ եկամուտ կբերեր քաղաքին⁸։ Մտահոգվելով Մետեխի բանտում գտնվող հայ բանտարկյալների հոգևոր կյանքով, վաճառական Ն. Պրիգոնովը կարողանում է վերցնել բանտի լավագույն սենյակներից մեկը՝ տղթարանի համար⁹։

«Կավկազը» ոչ միայն ծանոթացնում և նկարագրում է Թիֆլիսի համար այս կարևոր փոփոխությունները, այլև անդրադառնում է այնտեղ տեղի ունեցող հանգեսներին, զբոսանքներին, ազգային տոներին։ Պարբերականը մեծ գոհունակությամբ է ներկայացնում Թիֆլիսի դպրոցների տարեկան հաշվետու համերգները, ժողովրդական և կրոնական տոները («Զատիկ», «Կանաչ կիրակի», «Ավետիք»)։ Տոնախմբություններին մասնակցում էր Թիֆլիսի ամբողջ բնակչությունը։ Այդ օրերին «հայք, ռուսք, վիրք, սլավոնիք, չերքեզք... և ծերք,

³ Նույն տեղում, 1892, № 324, 1893, № 17, 43։

⁴ Նույն տեղում, 1893, № 4, 46։

⁵ Վերջինիս գյուտը մեծ արձագանք էր գտել «Մշակի» էջերում. «Այս զործիքը առանց որևէ զրավոր հաշվարկումների, միայն սլաքի ցուցմունքի օգնությամբ ճշգրտորեն հաշվարկում է ցանկացած տարածության հեռավորությունը»։ այն հաջողությամբ անցել էր փորձարկումներ, և նրա հեղինակը դիմել էր Թիֆլիսի նահանգապետին՝ հեղինակային իրավունք ձևոր լրերելու ինդրանքով (նույն տեղում, 1892, № 102, 122)։

⁶ Նույն տեղում, 1892, № 144։

⁷ Նույն տեղում, 1893, № 170։

⁸ Նույն տեղում, № 100։

⁹ Նույն տեղում, № 224 (Թիֆլիսում կար հայ լուսավորչական քարաշեն 24 եկեղեցի ու տաճար և 2 վանք)։

և երիտիսարդը, իւրաքանչիւր ըստ զարգու և ըստ տարազու իւրոց հայրենեաց... վերամրառանս՝ ի լեառն Սոլուակ կամ ի Հալապար»¹⁰:

Պարբերականի հրապարակումներից երևում է, որ քաղաքային իշխանութիւնները աջակցել են աղգային ծիսական տոների կատարմանը¹¹:

Կաղմելով Թիֆլիսի բնակչության հարաբերական մեծամասնութիւնը, Թիֆլիսահայերը գործուն մասնակցութիւն ունեին քաղաքի հասարական-քաղաքական կյանքի բոլոր ոլորտներում: Նրանք ոչ միայն հայտնի արհեստավորներ ու վաճառականներ էին, այլև պետական մարմինների ծառայողներ ու պաշտոնյաներ, քաղաքային Դումայի անդամներ, հաճախ նաև՝ քաղաքագլուխներ: Վրաց աղնվականութիւնն ու մտավորականութիւնը երբեմն ցավագին լին ընդունում հայերի այսօրինակ առաջադիմութիւնը և պայքարի դուրս գալիս, ինչպես իրենք էին ասում, Թիֆլիսահայերի դեմ, որոնք բոլորովին տարբեր ցեղից են և որոնց մեջ նրանք չէին «տեսնում իսկական հայ ցեղը»¹²: «Կավկաս», սակայն, գրեթե չի անդրադառնում XIX դ. երկրորդ կեսի հայկական փոխհարաբերութիւններին:

1864 թ. հունվարի 1-ին ցարական կառավարութիւնը որոշում ընդունեց Անգրկովկասում տեղական ինքնավարութիւն վերաբերյալ: Սակայն այն չգործադրվեց մինչև 1870 թ. հունիսի 16-ը: Մինչ այդ եւկրամասի կառավարումն իրականացվում էր համայնքային կարգերի հիման վրա: Ամեն մի համայնք և դաս ընտրում էր իր ներկայացուցչին: Ընտրելու իրավունք ունեին չորս դաս.

1) Տոհմիկ աղնվականներ, որոնք հիմնականում վրացիներ էին:

2) Աղնվական և ժառանգական պատվավոր քաղաքացիներ:

3) Ծրորորդ և շորորորդ դասերի մեջ մտնում էին մոթալաքներ-պատվավոր քաղաքացիներ, առևտրականներ ու արհեստավորներ:

Ամեն մի դաս իր կողմից ընտրում էր 25 ներկայացուցիչ¹³:

Սակայն 1866 թ. Թիֆլիսում տեղի ունեցան նոր կարգի ընտրութիւններ, որոնց արդյունքները, ինչպես գրում է «Մուրճը», մեծ գոգոհութիւն էին առաջացրել վրաց հասարակայնութիւն մեջ: Նրանց թիվը քաղաքային վարչութիւնում շատ չնչին էր, իսկ երրորդ և չորրորդ դասերից ոչ մի վրացի չէր ընտրվել: «Կավկաս»-ը ոչ միայն հաստատում, այլև լրացնում է «Մուրճի տեղեկատվութիւնը: Պարբերականից տեղեկանում ենք, որ 1866 թ. քաղաքային վարչութիւն կաղմի մեծ մասը հայեր էին: Քաղաքագլուխ էր ընտրվել պաշտոնաթող գեներալ-մայոր Ե. Արծրունին, օգնականն էր պետական խորհրդական իշխան Մ. Բեհբուժովը: Քաղաքի դատական իշխանութիւնը նույնպես գտնվում էր հայերի ձեռքում, քաղաքացիական դատավարութիւնը տնօրինում էր Ն. Զախարենկովը, իսկ առևտրականը՝ Ն. Ամատունին»¹⁴:

1874 թ. հոկտեմբերի 28-ին Անգրկովկասում քաղաքային ռեֆորմը օրեն-

¹⁰ Նույն տեղում, 1847, № 15:

¹¹ 1893 թ. հունվարին հայերը պատրաստվում էին նշել Սուրբ ձնունդը: Քաղաքային իշխանութիւնները նրանց օգնելու նպատակով հանձնարարել էին «Քաղաքային ինժեներ ինֆիալանցին ժամանակավոր կամուրջ կառուցել Փուռ գետի վրա: Միաժամանակ, ոստիկանութիւնը ոչ միայն պետք է ազատեր փողոցները, այլև ապահովեր ամբողջ անխափան երթը» (նույն տեղում, 1893, № 1):

¹² Մուրճ, 1902, № 11, էջ 86:

¹³ Նույն տեղում, էջ 84:

¹⁴ Кавказ, 1866, № 99.

քի ուժ ստացավ: Ըստ այդմ Թիֆլիսում, Բաքվում և Երևանում ընտրվում էր քաղաքային ինքնավարություն՝ քաղաքային Դումա, որի պարտականությունն էր հող տանել քաղաքի բարեկարգման, նրա տնտեսության, հասարակական կարգի, բնակչության նյութական մատակարարման, առողջապահության, լուսավորության, առևտրի ու արդյունաբերության զարգացման, քաղաքային տուրքերի գանձման և այլ հարցերի մասին:

Քաղաքային Դուման ընտրվում էր շորս տարին մեկ անգամ, գույքային ցնցի հիման վրա: Այն ուներ իր վարչությունը, որի նախագահը՝ քաղաքագլուխն էր (վարչության նախագահն ուներ երկու օգնական, իր զրասենյակը և ենթակա պաշտոնյաներ): Նոր կանոնադրության համաձայն, ընտրություններին պետք է մասնակցեին երեք կարգ և ամեն մեկը իրավունք ուներ ընտրելու 24 ձայնավոր: Սակայն նոր ընտրությունները Թիֆլիսում ոչինչ չփոխեցին: Առաջին կարգում ընտրվեց 3 վրացի, երկրորդում՝ 2, երրորդում՝ 2: Քաղաքագլուխ համար առաջադրվել էին Թումանովի, Խանջիևի և Մամաջովի թեկնածությունները: Ընտրվեց Թումանովը¹⁵: Հատկանշականն այն է, որ մինչև ընտրությունները վրաց մտավորականությունը բարոգում էր ընտրություն կատարել՝ նշելով, որ թե ալգային պատկանելությունից, այլ հետևելով այն սկզբունքին, թե ինչ կարող է անել ընտրվողը քաղաքի բարեկեցության համար: Հայազգի գործչի ընտրվելը փոխեց խնդրի վերաբերյալ ունեցած վերաբերմունքը: Սա առաջին բացասական դրվագն էր, որը պետք է ունենար իր շարունակությունը ոչ միայն Թիֆլիսի քաղաքային ինքնավարության, այլև քաղքենիական դասի ավագանու ընտրությունների, ապա Վրաստանի հայաբնակ գյուղերի հետ կապված հարցերում:

1883-ին տեղի ունեցան քաղաքային նոր ընտրություններ, բայց, ինչպես նախորդ անգամները, վրացիները փոքրամասնություն կազմեցին: Ընտրվել էր 9 վրացի, 8 այլազգի, մնացածը հայեր էին: Քաղաքագլուխը նույնպես հայ էր: Կրկին ընտրվել էր Թումանովը¹⁶: Այս անգամ վրաց մտավորականները, հանձինս Ս. Մեսխիի, Գ. Ակակիի, Գ. Մերեթելիի, առաջ քաշեցին հետևյալ կարգախոսը. «Ուղիղ է, վրացիները Վրաստանի մայրաքաղաքում թվով քիչ են, և հայերը կամաց-կամաց մեր բերանից խլում են մեր պատառը», բայց եթե թիֆլիսաբնակ «վրացի, ռուս և ուրիշ ազգի մարդկանց գումարենք, հալերից եթե ոչ շատ, պակաս էլ չի լինի»¹⁷:

«Կավկազ» պարբերականը նույնպես կարծում է, որ հայերի թվային զերակշռությունը Դումայում անընդունելի է փոքրամասնությունների՝ տվյալ դեպքում վրացիների համար: Հաստատելով հայերի ոչ միայն թվային, այլև տնտեսական, հասարակական-քաղաքական առավելության հանգամանքը, «Կավկազը» միաժամանակ գտնում է, որ եթե Դումայի ղեկավար հայությունը «քաղաքականապես զարգացած մարդիկ» լինեին, ապա նրանք կհասկանային, որ «ցանկացած ուժի լավագույն հատկանիշն է արդարությունը, որը կայանում է

¹⁵ Նույն տեղում, 1874, № 150:

¹⁶ Նույն տեղում, 1883, № 205: 1893 թ. քաղաքային ընտրությունների մասանակ քաղաքագլուխը փոխվեց: Քաղաքագլուխ պաշտոնակատար Պ. Իզմայլովին փոխարինեց Ռախման (տե՛ս նույն տեղում, № 248):

¹⁷ Մուրճ, 1902, № 11, էջ 86:

տվյալ դեպքում փոքրամասնությունների շահերը և պատմական իրավունքներն ու՝ արդելու մեջ»¹⁸:

Վարավերջին քաղաքային ընտրությունների արդյունքների դեմ հանդես է բերում նաև «Արձագանքը»¹⁹: Խոսելով այն մասին, որ վերջին քաղաքային ընտրությունները չեն կարող գոհացնել ոչ միայն ալլազգի բնակիչներին, այլև հայերին, սլարոնրական դրա պատճառները փնտրում է հայ և վրաց ժողովուրդների մտավորականության պատկերված մեջ, որից օգտվում են կեղծ մտավորականները՝ «գիպյումավորված և չդիպլոմավորված քաղաքական ոչնչությունը», բնակչության ցածր մակարդակի օգտագործելով իրենց «ծրագրերի» իրականացման համար: Շարունակելով իր միտքը, «Արձագանքը» ավելացնում է, որ բաղմադր Թիֆլիսում հայերի շահերը պահանջում են քաղաքի հոգսերն ու հաղթանակները բաժանել վրացիների և ռուսների հետ: Իսկ որպեսզի այդ համագործակցությունը կայանա, «հեռատես մարդիկ պետք է օգտագործեն ամեն մի հնարավորություն՝ համատեղ գործունեության շրջանակները ընդլայնելու համար», և ոչ թե վերածվեն էթնիկական ընդդիմության²⁰:

«Կավկազը» հաղորդում է, որ 1893-ի ընտրությունների արդյունքում ևս թե՛ նահանգի ազնվականական խորհրդի և թե՛ ավագանու նախագահի պաշտոնում դարձյալ հայեր էին ընտրվել: Առաջինը իշխան Բեհրուժովն էր, երկրորդը՝ Աբրամովը, որը փոխարինեց Բուզդանովին²¹:

Վախենալով տեղական բնակչության ակտիվացումից, որը պայմանավորված էր նաև ազդային-ազատագրական ու մարքսիստական խմբակների գործունեությամբ, 1892 թ. հրատարակվեց քաղաքային ինքնավարության նոր կանոնադրությունը: Այն ոչ միայն սահմանափակում էր Դումայի իրավունքներն ու գործունեության շրջանակները, այլև կրճատում անդամների՝ «ձայնավորների» թիվը²²:

Վրաց գործիչները դժգոհում էին նաև «Փոխադարձ վարկի» բանկից, ավազների խորհրդից, ազնվականական ժողովից: Պատճառը պարզ էր. հայերը կրկին մեծամասնություն էին կազմում: «Փոխադարձ վարկի» կառավարիչն էր Ադելխանովը, ավագների խորհրդի նախագահը՝ Ս. Արծրունին, ազնվականական ժողովինը՝ Արասխանյանցը²³: Վրաց գործիչները պնդում էին, որ «Փոխադարձ վարկի» բանկը, բացի հայերից, մերժում է մյուս ալլազգի ժողովուրդների անդամակցությունը: Նման «մեղադրանքներ» ոչ մի լուրջ հող չունենին: Ժամանակի անկախ և լիբերալ պարբերական «Նովոյե օբոդրենիեն» բարձր է դնահատել «Փոխադարձ վարկի» բանկի դերը և ամսոսանքով է արձանագրում նրա փակվելու փաստը²⁴:

¹⁸ Кавказ, 1893, №132.

¹⁹ Նկատի ունենք 1893 թվականի ընտրությունները, որոնց արդյունքները անվավեր էին ճանաչվել, և նույն 1893 թվականին նոր ընտրություններ էին անցկացվել (տե՛ս նույն տեղում, № 117, 129, 136, 141, 153):

²⁰ Արձագանք, 1893, Кавказ, 1893, № 132.

²¹ Кавказ, 1892, №152, 1893, №92.

²² «Կավկազը» այն համոզմունքին էր, որ չնայած քաղաքային ինքնավարությունը որոշ չափով սահմանափակում է, այնուամենայնիվ, նոր կանոնադրությունը ավելի լիբերալ է: «Ժիշտ է, որենսդիրը ավելի է ընդլայնել գույքային ցենզի պահանջները, բայց փոխարենը այժմ բոլոր ընտրողները ունեն հավասար իրավունքներ» (նույն տեղում, 1893, № 8, 104):

²³ Նույն տեղում, 1892, № 86, 183, 1893, № 42, 99.

²⁴ Новое обозрение, 1884.

Շուտով վրաց մտավորականությունը անցնում է հայերեն լեզվի գործածության դուրսի հարցին, որը սեռատորեն առնչվում էր հայաբնակ գյուղերի խնդրի հետ (խոսքը Ախալքալաքի, Դուշեթի, Գորիի շրջանների մասին է)։ Հենվելով «Կավկազում» տպագրված հաղորդագրությունների վրա, «Դրոսբան» դրում է. «Հայոց ուսումնարաններում վրացերեն չեն սովորեցնում, թեպետև ևրեխաների համար այն մայրենի լեզու է, և այն վրացական սիրտ ունի դնի հայերի մեջ»²⁵։

Վրացական միջավայրում հայկական որոշ գյուղեր վրացախոս էին դարձել, սակայն լուսավորական շարժումը, որի հետևանքով բացվեցին ու սկսեցին գործել բազմաթիվ հայկական դպրոցներ, նպաստեց հայ երիտասարդների հոսքին՝ դեպի ազգային դպրոցը։ Հայոց եկեղեցին և հայ առաջադեմ մտավորականությունը հասկանում էր, որ նոր ազգային դպրոցը հայության միակ պահպանիչ և կրթող օջախն է։

Հայ-վրացական բնարկումների ևս մի ոլորտ կապված էր Թիֆլիսում համալսարան բացելու խնդրի հետ։ XIX դ. 80-ական թվականներին Թիֆլիսի ողջ հասարակայնությունը հուսով սպասում էր համալսարանի բացմանը։ Թիֆլիսի բնակիչներից մեկը՝ Հարություն Գրիգորյանը, իր որդիներին պատվիրել էր տասր տարի անընդմեջ հետ գցել 500-ական ռուբլի և նվիրաբերել համալսարանին, եթե այն բացվի Թիֆլիսում²⁶։ Իսկ «Մշակի» խմբագիր Գր. Արծրունին²⁷ դիմել էր ռուսաց կառավարությանը՝ հետևյալ առաջարկությամբ. «Ռուսաստանի ազդեցությունը հայերի վրա է՛լ ավելի ուժեղացնելու նպատակով հարկավոր է Թիֆլիսում բացել համալսարան, որտեղ դասավանդումը կատարվի ռուսերեն և հայերեն լեզուներով»²⁸։ Նոր ժամանակներում համալսարան բացելու ջատագովներն էին պրոֆ. Նիկողայոս Մառն ու Հովհաննես Թումանյանը։

Քաղաքային ռեֆորմին զուգընթաց, Անդրկովկասում անցկացվեց նաև դատական ռեֆորմ (1864 թ. նոյեմբերի 20)։ Սա թերևս ամենից առաջ բուրժուական ռեֆորմ էր։ Հին դատական համակարգը, որի հիմքում ընկած էր դառնալի պատկանելության սկզբունքը, վաղուց սպառել էր իրեն։ Նոր օրենքով դասային դատարանի փոխարեն մտցվում էր բոլոր քաղաքացիների համար ընդհանուր դատավարություն։ Անկախ դասային պատկանելությունից, մեղադրյալները պետք է դատվեին միևնույն դատարանում, միևնույն օրենքով, բաց դատավարությամբ։

1864 թ. նոյեմբերի 20-ի կանոնադրությամբ դատավորներն ու երդվյալ հավատարմատարներն ընտրվում էին։ Դրա համար պահանջվում էր բավականաչափ բարձր գույքային ցենզ կամ եկամտի աղբյուր և համապատասխան գրագիտություն։ Դատարանը օրենքով անկախ էր։ Դատարանի նախագահին, հաշտարար դատավորներին ու երդվյալ հավատարմատարներին վարչական կարգով ադատել չէր կարելի։ Մեծ մասամբ հաշտարար դատավորներ նշանակվում էին ռուս շինովնիկները, որոնք աշխատում էին թարգմանիչների օգնու-

²⁵ Մուրճ, 1902, № 11, էջ 91, Կավկազ, 1870, № 14, Новое общество, 1884, № 69.

²⁶ Кавказ, 1870, № 54.

²⁷ Գրիգոր Արծրունու ռուսական կողմնորոշումը ռուսասիրությամբ ողնկողված դպրոցականության պոռթկումն էր, այլ ազդի հավաքական գիտակցությամբ հասունացած դիմադրողական դրսևորում։ Արծրունին ռուս մշակույթի և հասարակական մտքի եռանդուն բարոյիչն էր։

²⁸ Մուրճ, 1902, № 92.

Ֆլամբու Սակայն կային նաև տեղացի դատավորներ։ Հայտնի է, որ երկար տարիներ Թիֆլիսի նահանգային դատարանը գլխավորում էր իսկական պետական խորհրդական Ս. Համբարումյանը²⁹։

Քաղաքական և փոքրիշատե նյութական ապահովություն ձեռք բերած Թիֆլիսը, սակայն, երաշխավորված չէր համաճարակներից, որոնք մեծ հոգս էին պատճառում տեղի բաղամազ ժողովրդին։ Դրանցից էին՝ 1846—1847 և 1892—1893 թթ. խոլերայի, 1883—1884 թթ. ծաղկախտի համաճարակները։

Առաջին համաճարակը անհամեմատ հեշտ հաղթահարվեց, 1847 թ. վերջին Անդրկովկասում այլևս խոլերայի կենտրոններ չկային։ «Կավկազը» մի շարք հոգվածներով սլատում է ձեռնարկած կանխարգելիչ միջոցների՝ հիվանդանոցների բացման, կենսամթերքների ու հացի որակի բարելավման մասին։ Քաղաքացիներին գանաղան խորհուրդներ էին տրվում. խուսափել խակ պտուղների ուտելուց, չխմել գետի պղտոր ջուրը, աշխատել հնարավորին չափ մաքրություն պահպանելու, Հետաքրքրականն այն է, որ 1846—1847 թթ. համաճարակի ժամանակ, պայքարն «արդյունավետ» դարձնելու նպատակով, էջմիածնից բերվում են սուրբ մասունքներ և, ինչպես հավաստում է «Կավկազը», խոլերան աստիճանաբար անհետանում է։

1883—1884 թթ. երկրամասում նոր աղետ սկսվեց՝ ծաղկախտի համաճարակը, որը տարածվել էր նաև ընտանի կենդանիների մեջ։ Համաճարակի վրտանդավոր կենտրոններ էին դարձել Թիֆլիսի Հավլաբար և Զուղուրեթի թաղամասերը, Օրդուբադը, Սոնախը։ Այս առիթով հայկական պարբերականները՝ «Մշակն» ու «Նոր-Դարը» ցավալի իրողությունն են նկարագրում։ Պատկերելով Օրդուբադի և Սոնախի վիճակը այդ օրերին, նրանք գրում են. «Ամենացավալին այն է, որ բժիշկներ չկան, որպեսզի կանխեն աղետը, իսկ բնակչությունը չգիտի՝ ինչպես վարվի»³⁰։ Անդրադառնալով Թիֆլիսում տիրող իրավիճակին, մեկ այլ պարբերական՝ «Նովոյե օբոզրենիեն», նշում է, Թիֆլիսում ստեղծվել է ծաղկախտի դեմ պայքարի կոմիտե, որը ոչ միայն հաշվառել է հիվանդներին, այլև կազմել միջոցառումների՝ «Անհրաժեշտ պատվաստումներ կատարելու, ախտահանիչ կայաններ բացելու, զոմարներ տրամադրելու»³¹, հատուկ ծրագիր։ Իսկ «Սանկտ-Պետերբուրգսկիե վեդոմոստին» ավելացնում է. «Հավաստի աղբյուրներից լսել ենք, որ մոտ օրերս Պետերբուրգից ծաղկախտով վարակված շրջանները որպես լիիրավ կառավարիչ մեկնելու է գեներալ-ադյուտանտ կոմս Միխայիլ Տարիելի Լորիս-Մելիքովը։ Կոմսը իրավունք ունի արելու վարակված տները, վճարելով փոխհատուցում 1000 ռուբլու շափով։ Կոմս Լորիս-Մելիքովը բանիմաց, ղուսպ անձնավորություն է, որը միշտ պատրաստ է լսելու խելացի առաջարկները»³²։

Դեռ նոր էր Թիֆլիսը ուշքի եկել ծաղկախտի աղետից, երբ 1891—1893 թթ. վերսկսվեց խոլերայի համաճարակը։ Ի տարբերություն նախորդի, այս նոր աղետը շատ ավելի ուժգին էր։ Համաճարակն այնքան ուժեղ էր, որ մի շարք քաղաքներում՝ Տրապիզոնում, Թիֆլիսում, Ալեքսանդրապոլում դպրոցները փակվեցին³³։

²⁹ Кавказ, 1893, №85.

³⁰ Новое обозрение, 1884, №30, 49.

³¹ Նույն տեղում, № 23, 30, 34.

³² Санкт-Петербургские ведомости, 1879, №22.

³³ Кавказ, 1892, №193, 284, 298; 1893, №135.

Աղետի առաջին իսկ օրվանից Թիֆլիսի քաղաքային Դուման ակտիվ միջոցառումների ծրագիր է մշակում, շտաբանալու ձևերգրավել նաև բարեգործական ընկերություններն ու անհատ բարեգործներին:

Համաճարակի դեմ արդյունավետ պայքարելու նպատակով գործի է դրվում նաև մամուլը: Հետևելով «Կավկազին», «Տարազը», «Մշակը», «Նոր-Դարը» լայնորեն լուսաբանում են խնդիրը: Նրանք տեղեկություններ են հաղորդում խոլերայի ընթացքի, բժշկական ջոկատների գործունեության մասին, հիմնավորում են բարեգործության անհրաժեշտությունը: Այս առիթով «Տարազը» գրում է. «Գաղտնիք չէ, որ Բաքվի մեծահարուստները, անշան բացառությամբ, Ղարաբաղից են: 30—40 տարում նրանք կարողացան Բաքվում կուտակել հրաշալի հարստություններ, ստեղծեցին ներկայիս Բաքուն: Այժմ նրանց վրա դրված է սուրբ սյարտականություն՝ օգնության ձեռք մեկնել»³⁴: Այս միտքը պաշտպանում է և «Կավկազ» թերթը³⁵:

Կովկասի հայոց բարեգործական ընկերությունը անմիջապես հրավիրում է ընդհանուր ժողով, որտեղ համաճարակի դեմ պայքարելու համար տրամադրվում է 6.200 ռուբլի գումար: Շուտով Թիֆլիսի ազնվականական լանկեր աղետը հաղթահարելու համար տրամադրում է 12.000 ռուբլի գումար³⁶: Քաղաքային վարչությունները նույնպես գումարներ էին հատկացնում, որոնք պետք է օժանդակեին բժշկական ջոկատներ հրավիրելու, նրանց գործունեությունը սատարելու գործին: «Կավկազը» բազմաթիվ նման հաղորդումներ է տպագրում: Դրանցից մեկում կարդում ենք. «Ալեքսանդրապոլ քաղաքը խոլերայի համաճարակի դեմ պայքարելու նպատակով հրավիրում է երկու բժիշկ՝ Յ25 ռուբլի ամսական վարձով և 6 բուժականների՝ 50-ական ռուբլի ամսեվարձով»³⁷: Մեկ այլ համարում տպագրված է Երևանի նահանգապետի հրավերը, որը բովանդակում է ոչ միայն աշխատավարձի չափը, այլև ճանապարհածախսը. «Երևան քաղաքը խոլերայի դեմ պայքարելու նպատակով հրավիրում է բրտիշկներին՝ 300 ռուբլի ամսեվարձով և բուժականների՝ 60 ռուբլի ամսեվարձով»³⁸: Ծանր վիճակ էր ստեղծվել նաև Կարսում, ուստի ժամանաժամանակապես ջոկատը ամբողջությամբ պետք է ախտահաներ տարածքը, ապա անցներ Նախիջևան ու Նոր-Բայազետ³⁹:

Աղետների հաճախակի կրկնումը սկսում է մտահոգել երկրամասի բժրդիական անձնակազմին, որն էլ Կայսերական կովկասյան բժշկական ընկերության միջոցով գիմում է ներքին գործերի նախարարին՝ 1893 թ. Թիֆլիսում բժիշկների համագումար անցկացնելու խնդրանքով: Համագումարը բացվում է 1893 թ. փետրվարի 21-ին «Երաժշտական խմբակի» սրահում՝ Լ. Շլյախտինի նախագահությամբ: Համագումարի ընթացքում լայնորեն քննարկվեցին խոլերայի դեմ պայքարի երկու նորարարություն: Առաջինի մասին դեռևս 1892 թ. դրել էր «Մշակը». գա կապիտան Ստրադովսկու հակախոլերային միջոցն էր⁴⁰:

³⁴ Նույն տեղում, 1892, № 183:

³⁵ Նույն տեղում:

³⁶ Նույն տեղում, № 189, 199, 219, 228,

³⁷ Նույն տեղում, № 199:

³⁸ Նույն տեղում, № 201, 220,

³⁹ Նույն տեղում, № 261:

⁴⁰ 95% սպիրտին նախառնել էր մատնումու թուրմը: Այս եղանակով առողջացել է ոչ միայն ինքը, այլև 400 մարդ (նույն տեղում, № 216):

Երկրորդ նորարարութիւնը բժշկական գիտութիւնների դոկտոր Ղզլարցի Տեր-Գրիգորյանցի նոր ախտահանիչ մեքենան էր, որն արդեն անցել էր առաջին փորձարկումը: «Տարազի» և «Մշակի» վկայությամբ, սա հենց այն բժիշկ Տեր-Գրիգորյանցն էր, որի «Խուլերան և նրա հեմ պայքարի միջոցները» հայերեն լեզվով դրբույկը, մոտ 5000 օրինակ, անվճար նախաձեռնել էին տպագրել Շուշի քաղաքի մի խումբ երիտասարդներ⁴¹:

Համագումարը, միաժամանակ բարձր գնահատելով բժշկական անձնակազմի անձնադու աշխատանքը, մի քանիսին ներկայացրեց պարգևատրման: Դրանց թվում էին Լեւոն (Պարսկաստան) գործուղված Թիֆլիսի Միխայիլովսկայա հիվանդանոցի պրոռեկտոր, բժիշկ Հ. Զ. Լորիս-Մելիքովը և ֆելդշեր Պավլովյու Նրանը, ինչպես նաև Թիֆլիսի առևտրական դեպուտացիայի նախագահ Ալեքսանդր Ակոպովը պարգևատրվեցին «Առյուծի 3-րդ աստիճանի և Արևի 5-րդ աստիճանի շքանշաններով»⁴²:

1892—1893 թթ. խուլերային համաճարակի ժամանակ հայ հոգևորականութիւնը նույնպես մասնակցեց ազնոտի հաղթահարման գործին: Բայց նրա մասնակցութիւնը «միսիթարանքի տեսք ունեւոր», ինչը «Մշակի» խմբագիր Արծրունու կարծիքով բավարար չէ. «Խսկ որտեղ է Քրիստոսի ուսմունքը, որը քարոզում էր սեր, եղբայրութիւն, համերաշխութիւն, փոխօգնութիւն: Հոգևորականութիւնը ոչտեղ է նյութական միջոցներ հավաքի և դրանով օգնի ժողովրդին»⁴³: Նման հարցադրումը կապված էր 1892-ի հունվարի 6-ի շարաքաստիկ իրադարձության հետ, երբ Թիֆլիսում բռնկված հրդեհի պատճառով բազմաթիվ ընտանիքներ կորցրեցին ամեն ինչ: Հայկական բարեգործական ընկերությունը բժիշկ Բ. Նավասարդյանի գլխավորությամբ, ինչպես նաև Թիֆլիսի բարեգործական ընկերությունը, ոչ միայն անհապաղ գումարներ հատկացրին, այլև այդ նպատակով համերգներ կազմակերպվեցին, և այդ գումարը, շուրջ 2.500 ռուբ., նույնպես տրամադրվեց տուժածներին⁴⁴:

Վերը նշված իրադարձությունները քաղաքային իշխանութիւններին բերեցին այն համոզման, որ քաղաքային վարչութիւնը կից պետք է ստեղծել մի բարեգործական ֆոնդ՝ քաղաքային գլխավորությամբ, իսկ գումարները սահմանափակ ջոկատների միջոցով պետք է բաշխվեին կարիքավոր ընտանիքների միջև: Սակայն աշխատավոր դասակարգը, որը համաճարակների տարածման առաջին օղակներից էր, իր տգիտության պատճառով շարունակում էր ապավինել աստվածային զորութիւնը: Այդ պատճառով էլ կազմակերպվում է «եկեղեցական թափոր»: Երթը կատարվեց 1892 թ. հուլիսի 12-ին: Այն գլխավորում էր Ախալցխայի առաջնորդ Հովհաննես Ժ. վարդապետ Շիրակունին: Ս. Հակոբի մասունքներով երթը՝ Կրծանիսից շարժվում է Թիֆլիսի Վանքի մայր տաճար⁴⁵: Մատուցվեցին նաև պատարագներ: Սակայն ամենանշանակալիցն այն էր, որ հայ հոգևորականութիւնը լսեց մեծ հրապարակախոսի՝ Արծրունու ձայնը և ավելի գործունե մասնակցութիւն ցուցաբերեց խուլերայի դեմ պայքարում: Կաթողիկոսական տեղապահ հպիսկոպոս Երեմիայի առաջարկությամբ

⁴¹ Նույն տեղում, № 165, 1893, № 51:

⁴² Նույն տեղում, 1892, № 11, 1893, № 20:

⁴³ Նույն տեղում, 1892, № 190:

⁴⁴ Նույն տեղում, № 11, 12, 184:

⁴⁵ Նույն տեղում, № 78, 173:

հպիսկոպոս Արիստոկես Սեդրակյանը դրամական և դեղորայքային օգնությամբ մեկնում է Երևանի նահանգի՝ խոլերայով վարակված գյուղերը՝ օգնություն անվճար րաժանելու և սանիտարական ջոկատներին աջակցելու համար⁴⁶:

1880—1890-ական թվականների համաճարակային աղետների դեմ պայքարի ընթացքում կիրառվեց նաև բարեգործության նոր միջոց՝ անվճար թեյարանների ու ճաշարանների հիմնումը: Դրանք բացվեցին ոչ միայն քաղաքային Դումայի, այլև անհատ բարեգործների կողմից: «Կավկազը» բազմաթիվ տեղեկություններ է հաղորդում նրանց մասին: Պարբերականից տեղեկանում ենք, որ անվճար թեյարաններ էին բացվել քաղաքի բոլոր մասերում, և հատկապես այն թաղամասերում, ուր աշխատավոր դասակարգը մեծամասնություն էր կազմում: Դրանց թվին էին պատկանում Տեր-Ասատուրովի ու Ակոպովի թեյարանը՝ Միխայլովսկի կամուրջի մոտ, Սուբխասովի թեյարանը՝ Վոռնցով փողոցի վրա, Մարիա Ծովյանովայի հիսուն տեղանոց ճաշարանը, Հավլաբարում բացված թեյարաններն ու ճաշարանները⁴⁷:

1892 թ. վերջին անվճար թեյարաններն ու ճաշարանները փակվեցին: Քաղաքացիներն տրված զեկուցագրում 7-րդ սանիտարական ջոկատի նախագահ Մելիք-Ալավերդովը նշում է դրանց գործունեության նշանակությունը. «Նրանք, բացի իրենց անմիջական նշանակությունից, որպես հետևանք ունեցան այն, որ բնակչությունը սկսեց վստահել խոլերայի դեմ պայքարի՝ քաղաքի կողմից կազմակերպված միջոցառումներին»⁴⁸:

Ինչպես տեսնում ենք, Թիֆլիսը ոչ միայն զոհեր էր տալիս համաճարակներին, այլև տոկում էր, դիմագրում: Բնակիչներն անվարձատույց իրենց քաղաքացիական պարտքն էին կատարում:

Հայ հասարակական միտքն առաջընթաց էր ապրում: Մտավորականներից շատերը առաջ էին քաշում եվրոպական լուսավորության, քաղաքակրթության և գիտական նվաճումների ընթերցանական անհրաժեշտությունը: Եվ ինչպես նշում է Րաֆֆին. «Ազգերի կյանքում լինում են այնպիսի դարաշրջաններ, երբ համարյա ամբողջ ժողովրդի ուշադրությունը, ձգտումները լարված են լինում դեպի մի նպատակ: Հարուստն իր արծաթը, աղքատն իր աշխատանքը, զինականն իր հմտությունները գործ են գնում նույն նպատակի իրագործելուն: Մեկի արածը մյուսի համար օրինակ է դառնում, և գործը ընդհանրանում է»⁴⁹:

Պաշտոնական օրդան լինելով հանդերձ, իր գոյության առաջին կեսին «Կավկասը» հիմնականում անաչառ էր հրապարակվող փաստերի և երևույթների նկատմամբ: Չմոռանալով իր կարևոր առաքելության մասին, շատ գեղեցիկ էր հենվելով հենց հայ պարբերականների վրա, թերթն աշխատում էր մեղմացնել ազգամիջյան անախորժ երևույթները: «Կավկասը» հարուստ նյութ է մատակարարում XIX դ. երկրորդ կեսին պատմության խնդիրներով զբաղվող հետազոտողներին:

⁴⁶ Նույն տեղում, № 230:

⁴⁷ Նույն տեղում, № 184, 198, 1983, № 109, 204:

⁴⁸ Նույն տեղում, 1892, № 314:

⁴⁹ Րաֆֆի, ԵԺ, հ. 11, Ե., 1991, էջ 480—485:

ТИФЛИССКИЕ АРМЯНЕ ПО ПРЕДСТАВЛЕНИЮ «КАВКАЗА»

С. М. СААКЯН

Резюме

С 1846 г. в Тифлисе издается официальный орган царского правительства—газета «Кавказ». Изначально ей было предопределено стать путеводителем окончательного экономического подъема края.

По материалам газеты, в середине и во второй половине XIX века в Тифлисе проживало значительное число армян. Их общественная, экономическая и культурная жизнь широко освещена на страницах «Кавказа». Опираясь на материалы собственных корреспондентов, а также ссылаясь на армянские периодические издания, газета раскрывает целостную картину жизнедеятельности армянской общины города. На страницах газеты обсуждаются некоторые вопросы армяно-грузинских отношений.

Газета «Кавказ» является важным первоисточником по изучению истории армянского народа второй половины XIX века.